





第一三九九冊

四庫全書

●上海古籍出版社

本冊目次

南 梁 陳

齊

文 文

文

紀 紀 紀

明梅鼎祚編……………一
明梅鼎祚編……………二三
明梅鼎祚編……………五九五

欽定四庫全書

集部
南齊文紀卷一

詳校官庶吉士臣胡圖禮
主事銜臣徐以坤覆勘

總校官庶吉士臣何恩鈞
校對官中書臣李斯咏
謄錄監生臣劉清燭

欽定四庫全書

集部八

南齊文紀

總集類

提要

臣等謹案南齊文紀十卷明梅鼎祚編是集於酬答之文參錯附錄及誤載前代冊語與諸集畧同而體例尤為叢睦如永明五年九月詔乃齊書撮叙其事而以為詔詞高祖與周盤龍第二勅明帝手詔王思遠皆只常言

欽定四庫全書

南齊文紀

五字但可存為故實豈宜目以文章無姓名之文例附於末而魚復侯子響還本奏獨列於前代擬諸作例歸操觚之人而褚淵禪齊詔江淹築壘教獨不畫一曹景宗與弟義宗書沈約答陸厥樂藹書猶曰人雖入梁事關齊代至於宋順帝答誅黃回詔則宋文紀有為一集何以隔代闌入若劉虬答蕭子良書已見二卷又見六卷失檢抑又甚矣其間如

高祖與王延之書尺牘誤以為世祖崔覺與

妹書尺牘誤以為崔恭祖亦間有小小駁正

然如黃回一人隔數頁而重註曹虎一人前

注見北魏而七卷之中乃別出曹虎之名詳

注爵里矛盾者正復不少徒以一代之文蕪

收全備而存之耳乾隆四十四年五月恭校

上

欽定四庫全書

南齊文紀

總校官 陸 費 曄

總纂官 臣 紀昀 臣 陸錫熊 臣 孫士毅

欽定四庫全書

南齊文紀卷一

明 梅鼎祚 編

高帝

姓蕭名道成字紹伯南蘭陵人仕宋位相國封齊王嘉宋國號齊都建業在位四年廟曰

祖太

與中書令褚淵衛將軍袁粲書

太祖既平桂陽王休範連散騎常侍中領軍南兖州刺史遷將軍為公增邑二千戶國讓與

淵及梁書淵梁書

下官常人志不及遠隨運推斥妄踐非涯才輕任重夙

欽定四庫全書

南齊文紀

宵冰惕近值國危含氣同奮沉在下官寧吝身命履冒

鋒炭報効恒理而褒嘉之典偏見甄沐貴登端戎秩加

爵土瞻言霄衢魂神震墜下官奉上以誠率性無矯前

後忝荷未嘗固讓至若今授特深恒迫寔以銜恩先旨

義兼陵闕識蔽防萌宗戚構禍引誚歸咎既已覲顏乃

復乘災求幸藉亂取貴斯實國家之恥非臣子所忍也

且榮不可濫寵不可昧乞蠲中候請停增邑庶保止足

輸効淮湄如使伐匈奴凱歸反旆以此受爵不復固辭

矣

褚淵表答太祖書

見前
淵見後

來告穎亮敬挹無已謙貶居心深承非飾此誠此旨久
著言外況復造席舒衿迂翰緒意推情願已信足書紳
但今之所宜商榷必以輕重相推世惟多難事屬雕弊
四維恒擾邊氓未安國家費廣府藏須備北狄侵邊憂
虞交切寓內含識尚為天下危心相與共荷任寄若此
當可稍修廉退不求之懷抱實謂不可了其不可理無

欽定四庫全書

南齊書

固執且勅寇窮凶勢過原燎燬逆倉卒終古未聞常時
懼感當慮先定結壘新亭枕戈待敵斷決之策寔有由
然鋒鏑初交元惡送首摠律制奇判於此舉裂邑萬戶
登爵槐鼎亦何足少酬勲勞粗塞物聽今以近侍禁旅
進昇中候乘平隨牒取此非叨濟河昔所履收鎮軍秩
不逾本詳校階序愧在未優就加冲損特虧朝制奉職
數載同舟無幾劉領軍峻節霜明臨危不顧音迹未晦
奄成今古迷途失偶慟不及悲戎謨內寄恒務倍急求

操辭榮將復誰委誠惟軍柄所期自增茂圭社誓貫朝
廷匹夫里語尚欲信厚君令必行逡巡何路凡位居物
首功在眾先進退之宜當與眾共苟殉獨善何以處物
受不自私彌見至公表裏詳究無而後可想體殊常深
思然納

並南齊書
軍劉劭戰歿
桂陽兵至太祖決計出頓新亭領
太祖從石頭濟淮入衛遣諸將擊

與王廣之書

廣之字林之沛郎相
人歷侍中鎮軍將軍

廣之任宋歷徐州刺史鍾離太守沈攸之事
起廣之留京師太祖誅黃回回弟駟及從弟

欽定四庫全書

南齊書

馬兄子奴亡逸與廣之書令於江西捕駟等
回本竟陵郡軍人累戰功為鄆州刺史嘗
圖與表策攻太祖事不果太祖撫之
如舊後改南兗州以僧侮表奏誅之

黃回雖有微勲而罪過轉不可容近遂啓請御大小二
輿為刺史服飾吾乃不惜為其啓聞政恐得與復求畫
輪車此外罪不可勝數弟自悲之今啓依法

與虞玩之書

玩之字茂理會稽餘
姚人歷光祿大夫

玩之元徽中為右丞太祖參政與玩之書玩
之上表陳府庫錢帛器械役力州縣轉多興
用漸廣慮不支歲
月朝議優報之

張華為度支尚書事不徒然今漕藏有闕吾賢居右丞已覺金粟可積也

與劉俊書

俊字士操彭城安上里人歷五兵尚書

俊司空劬之子劬於大桁戰死俊時疾病扶服路次號哭求屍持喪墓側冬月不衣絮太

祖代勳領軍索與勳善書督拔

承至性毀瘵轉之危慮深以酸怛終哀全生先王明軌豈有去嫌續徹溫席以此悲號得終其孝性耶當深願往省少自抑勉

欽定四庫全書

與王延之書

延之字希李琅琊臨沂人敬弘孫歷吏部尚書僕射

王延之既翰俱是劉湛外甥並有蚤譽湛甚愛之嘗曰翰後當為第一延之其次也延之甚不平後為江州每致餉下都翰與朝士同例太祖與延之書尺牘作世祖書誤

翰云卿未嘗有別意當緣劉家月旦故耶

世說緣南史作由

與崔祖思書

祖思見後

明僧紹字承烈平原南人宋永光中淮北沒虜乃南渡江弟慶符為青州僧紹乏糧食隨慶符之鬱洲住奔榆山栖雲精舍太祖徵為正員外郎稱疾不就與崔祖思書慶符罷任僧紹隨歸住江乘攝山祖思時假節督青冀二州刺史

明居士標意可重吾前旨竟未達耶小涼欲有講事卿可至彼具述吾意令與慶符同歸

又

不食周粟而食周薇古猶發議在今寧得息談耶聊以爲笑

與世祖書

世祖見後

柳世隆為晉熙王安西司馬世祖為長史太祖之謀渡廣陵也令世祖率衆下同會京邑是時朝廷疑憚沈攸之密為之防劉懷珍白夏口兵衝要地宜得其人太祖與世祖書

欽定四庫全書

汝既入朝當須文武兼資人與汝意合者委以後事世

隆其人也

以上並高帝在宋時與延之書或即帝位後

築壘教

高帝既執蒼梧立順帝威權日盛并明元年東粲等皆以謀泄被誅詔假黃鉞

率大衆出屯新亭中興堂治嚴築壘教曰

河南稱慈諒由掩骼廣漢流仁實存殯朽近表製茲營

崇峻峻壘古墟曩隄時有湮移深松茂草或致刊薶憑

軒動懷巡隍增愴宜並為收改葬並設薄祀

並南齊書江淹集

載小異不兩存

數沈攸之罪惡檄

攸之自江陵起兵攻郢城時高帝輔政遣衆軍西討出頓

新亭馳檄數攸之罪惡

夫彎弓射天未見能至揮戈擊地多力安施何則逆順之勢定殊禍福之驗易原也是以違乎天者鬼神不能使其成會乎人者聖哲不能令其毀故劉渾賴七國連兵之勢隗囂恃跨河據隴之資母邱儉伐其踰海越島之功諸葛誕矜其待士愛民之德彼四子者皆當世雄傑以犯順取禍覆窰傾巢為豎子笑況乎行陳凡才斗

欽定四庫全書

南齊書

六

筭小器而懷間鼎之志敢構無君之逆哉逆賊沈攸之出自萊畝寂寥累世故司空沈公以從父宗蔭愛之若子卯翼吹噓得升官秩廢帝昏悖猜畏柱臣攸之貪競乘機凶忍趨利躬行反噬請誅旨又攸之與譚金童太壹等並受寵任朝為牙爪同功共體世號三侯當時親昵情過管鮑遭仰革運凶黨懼攸之狡猾用數圖全賣禍既殺從父又害良朋雖呂布販君鄺寄賣友方之斯人未足為酷此其不信不義言詐反覆諸夏之所未

有夷狄之所不為也泰始開關網漏吞舟略其凶險取其搏噬故得階亂獲全因禍保福攸之空淺躁而無謀濃湖崩挫本非已力及北伐彭泗望賊宵奔重討下邳一鼓而遁再鄙王師又應肆法先帝英聖量深河海宥其回谿之敗冀收曲峭之捷故得推遷幸會頓升崇顯內端戎禁外臨方牧聖靈鼎湖逮頒顧命託寄崇深義感金石而攸之知奉國諱喜見千容普天同哀已以為慶此其樂禍幸災大逆之梟一也又攸之累登舊兵自

欽定四庫全書

南齊書

七

郢還荆晉熙殿下以皇弟代鎮地尊望重攸之肆情陵侮斷割候迎料擇士馬簡算器甲精器銳士並取自隨郢城所留十不遺一專擅略虜罔顧國典此其包藏禍心不恭不虔大逆之梟二也又攸之踐荆以來恒用姦數既欲發兵宜有因假遂乃威迫羣蠻騷擾山谷揚聲討伐盡戶發上蟻聚郭邑伺國盛衰從來積年永不解甲遂使四野百縣路無男人耕田載租皆驅女弱自古酷虐未聞有此其侮蔑朝廷大逆之梟三也去昔桂陽

奇兵闕起京師內壘宗廟陷危攸之任居上流兵強地廣救援顛沛寔宜悉力國家倒懸方思身慮咸遣弱卒三千並皆羸老使就郢州稟受節度欲令判石之日委臯晉熙何其平日勅張寔輕周召爾時恭謹虛重皇戚此其伏惡藏詐持疑兩端大逆之臯四也又攸之累據方州跋扈滋甚招誘輕狡往者咸納羈絆行旅過境必留仕子窮困不得歸其鄉商人畢命無由還其土叛亡入境輒加擁護遁逃出境必遣窮追此其大逆之臯五也又攸之自任專恣恃行慘酷視吏若讎遇民如草峻太半之賦暴參夷之刑鞭撻國士全用虜法一人逃亡闔宗補代毒徧嬰孩虐加班白獄囚恒滿市血常流男不得耕女不得織奔馳道路號哭動天皇朝敕令初不遵奉欲殺欲擊故曠蕩之澤長隔彼州此其無君陵上大逆之臯六也蒼梧狂凶釁深桀紂猜貳外蕃鴟目西顧留其長息元琰以為交質父子分張彌積年稔賴社稷靈長獨夫過戮攸之豫稟心靈宜同歡幸遂迷惑顛

倒深相嗟惜舉言哀桀揚聲吹堯此其不辨是非罔識善惡違情背理大逆之臯七也廢昏立明先代盛典交廣先到梁秦蚤及而攸之密邇內畿川塗弗遠驛書至止晏若不聞未遣表章奄積旬朔防風後至夏典所誅此其大逆之臯八也昇明肇厯恩深澤遠申其父子之情矜其骨肉之恩馳遣元琰銜使西歸並加崇授寵貴重疊元琰達西便應反命攸之得此集聚蒙誰之恩不荷盛德反生讎讐此其大逆之臯九也攸之以谿壑之性含梟鳩之腸直置天壤已稱醜穢況乃舉兵內侮逞肆姦回斯寔惡熟罪成之辰決離潰疽之日幕府過荷朝寄義百常憤董司元戎龔行天罰今皇上聖明將相仁厚約法三章輕刑緩賦年登歲阜家給人足上有惠和之澤下無樂亂之心攸之不識天時妄圖姦逆舉無名之師驅怨讎之黨是以朝野審其易取含識判其成禽熊羆厲爪蓄攫裂之心虎豹磨牙起吞噬之憤鼓怒則冰原激電奮發則霜野奔雷以此定亂豈移晷刻雖

復衆徒梗陸舉郡阻川何足以抗沸海之濤當燒山之
焰彼土士民罹毒日久逃竄無路常所憫然今復相逼
起接鋒刃交戰之日蘭艾難分土崩倒戈宜為蚤計無
使一人迷昧而九族就禍也弘宥之典有如皎日

上宋順帝請誅黃回表

回本竟陵郡軍人累有戰功封侯爵宋元徽中

沈攸之起兵以回為郢州刺史出新亭為前鋒而宋繫據石頭將攻高帝回謀應舉不果攸之敗回至鎮固求為南兖州高帝以回終為禍亂乃上表後廢帝詔收付廷尉

黃回出自廝伍本無信行仰值泰始謬被驅馳階藉風

欽定四庫全書

南齊書

十

雲累叨顯佐及沈攸之作逆事切戎機臣聞于知人冀其
搏噬遣統前鋒竟不接刀軍至郢城乘威迫脅陵掠所
加必先尊貴武陵王馬器服咸被虜奪城內文武剝剔
靡遺及至還都縱恣彌甚先朝御服猶有二與弓劍遺
思尚在車府回遂啓求以擬私用僭侮無狀罔顧天極
又廣納逋亡多受劫盜親信此等並為爪牙觀其凶狡
憂在不測惡積臯著非可含忍應加剿除以明國憲尋
其覺狀寔宜極法但嘗經將帥微有塵露臯疑從輕事

炳前策請在降減特原餘嗣臣過荷隆寄言必罄誠謹
陳管穴式遵弘典伏願聖明特垂允鑒臣思不出位誠
昧甄才追言既往伏增慙慙

順帝詔報

黃回據自凡豎夙負疵釁實以憲綱收其搏噬雖勤效
累著而屢懷干紀新亭背叛投拜寇場異規既扇廟律
幾殆幸得張敬兒提戈直奮元惡受戮及景素結逆履
霜歲久乃密通音譯潛送器械氛沴克霽狡謀方顯每

欽定四庫全書

南齊書

三

存容掩冀能懷叛故裂茅升爵均榮勲寵凶誠有本險
惡滋深構誘敬兒志相攻陷悖圖未遂狼戾彌甚近軍
次郢鎮劫逼府主兼挾私計多所徵索主局咨疑便加
捶楚專肆暴慢罔顧義則膺牧西蕃徽責惟厚曾不知
感猶懷忿怨李安民述任河濟星管未周貪據檢要若
祈回奪驥謁弗已叨侈無度遂請求御與僭擬私飾又
招萃賊黨初不啓聞傷風蠹化莫此之甚宜明繩裁肅
正刑書便收付廷尉依法窮治

并宋書

即昨告天文

建元四年四月

皇帝臣道成敢用玄牡昭告皇皇后帝宋帝陟鑒乾序欽
若明命以命于道成夫肇自生民樹以司牧所以闡極則
天開元創物肆茲大道天下惟公命不干常昔在虞夏
受終上代粵自漢魏揖讓中葉咸炳諸典謨載在方冊
水德既微仍世多故寔賴道成匡拯之功以弘濟于厥艱
大造顛墜再構區宇宣禮明刑締仁緝義晷緯凝象川
岳表靈誕惟天人固弗和會乃仰協歸運景屬與能用

欽定四庫全書

南齊書

七

集大命于茲辭德匪嗣至于累仍而羣公卿士庶尹御
事爰及黎獻至于百戎僉曰皇天眷命不可以固達人
神無託不可以曠主畏天之威敢不祇從鴻錄敬簡元
辰虔奉皇符升壇受禪告類上帝以永答民衷式敷萬
國惟明靈是饗

改元大赦詔

建元四年四月

五德更紹帝迹所以代昌三正迭隆王度所以改耀世
有質文時或因革其資元膺歷經道振民固以異術同

揆殊流共貫者矣朕以寡昧屬值艱季推肆勤之誠藉
樂治之數賢能悉心士民致力用獲拯溺龜暴一匡天
下業未參古功殆侔昔宋氏以陵夷有微歷數攸及思
宏樂推永鑒崇替爰集天祿于朕躬惟志菲薄辭弗獲
昭遂欽從天人式繇景命祇月正于文祖升禋鬯于上
帝猥以寡德光宅四海纂革代之蹤託王公之上若涉
淵水罔知所濟實祚初啓洪慶惟新思俾利澤宣被億
兆可大赦天下改昇明三年為建元元年賜人爵一級
文武進位二等鰥寡孤獨不能自存者殺人五斛逋租
宿債勿復收有犯鄉論清議賊汙淫盜一皆蕩滌洗除
先注與之更始長徒赦繫之囚特皆原遣亡官失爵禁
錮奪勞一依舊典

降封宋公侯詔

建元四年四月

繼世象賢列代盛典疇庸嗣美前載令圖宋氏通侯乃
宜隨運省替但欽德懷義尚表墳閭況功濟區夏道光
民俗者哉降差之典宜遵往制南康縣公華容縣公可

為侯渚鄉縣侯可為伯減戶有差以繼劉穆之王弘何無忌後

原赦詔 建元元年四月

宸運肇創寶命惟新宜弘慶宥廣敷蠲汰劫賊餘口沒在臺府者悉原赦諸負豐流徙普聽還本土

省置屯稅詔 建元元年四月

自廬井毀制農桑易業鹽鐵妨民貨鬻傷治歷代成俗流蠹歲滋援拯遺弊革末反本使公不專利氓無失業

欽定四庫全書

南齊書

卷一

二宮諸王悉不得營立屯邸封略山湖太官池鑾宮停稅入優量省置

減降宋氏第秩詔 建元元年五月

宸運革命引爵改封宋氏第秩雖宜省替其有預効此夷宣力齊業者一仍本封無所減降

斷眾募詔 建元元年五月江淹集載

設募取將懸賞購士蓋出權宜非曰恒制頃世艱險浸以成俗且長通逸開罪山湖是為黥刑不辱亡竄无咎

自今以後可斷眾募

營卹遺觀詔 建元元年六月

宋末頻年戎寇兼災疾凋損或枯骸不收毀觀莫掩宜速宣下埋藏營卹若標題猶存姓字可識可即運載致還本鄉有司奏遣外監典事四人周行離門外三十五里為限其餘班下州郡無棺器標題者屬所以臺錢供事

曲赦交趾詔 建元元年七月江淹集載

欽定四庫全書

南齊書

卷一

交趾比景獨隔書朔斯乃前運方季負海不朝因迷遂往歸欵莫由曲赦交州部內李叔獻一人即撫南土文武詳才選用并遣大使宣揚朝恩

錄序從軍官詔 建元元年十月

朕嬰綴世務三十餘歲險阻艱難備嘗之矣末路屯夷戎車歲駕誠藉時來之運實資士民之力宋元徽二年以來諸從軍得官者未悉蒙祿可催速下訪隨正即給才堪餘任者訪洗量序若四州士庶本鄉淪陷簿籍不

存尋校無所可聽州郡保押從寔除奏荒遠關中正者
特許據軍簿奏除或戍扞邊役末由旋反聽于同軍各
立五保所隸有司時為言列

建學詔

建元四年正月江淹集載

夫膠庠之典彛倫攸先所以招振才端啓發性緒弘宇
黎氓納之軌義是以五禮之迹可傳六樂之容不泯朕
自膺歷受圖志闡經訓且有司羣僚奏議咸集蓋以戎
車時警文教未宣思樂泮宮永言多慨今開燧無虞時
欽定四庫全書

南齊書

卷一

十五

和歲檢遠邇同風華夷慕義便可式遵前准修建黜學
精選儒官廣延國胄

蠲戰亡租役詔

建元四年正月

比歲申威西北義勇爭先殲氣寇場命盡王事戰亡蠲
復雖有恒典主者遵用每傷簡薄建元以來戰亡賞蠲
租布二十年雜役十年其不得收屍主軍保押亦同此

例

詔朝臣

建元二年詔虞玩之
上表陳其事納之

黃籍民之大紀國之治端自頃氓俗巧偽為日已久至

乃竊注爵位盜易年月增損三狀貿襲萬端或戶存而

文書已絕或人在而反託死叛停私而云隸後身強而

稱六疾編戶齊家少不如此皆政之巨蠹教之深疵比

年雖却籍改書終無得實若約之以刑則民偽已遠若

綏之以德則勝殘未易卿諸賢並深明治體可各獻嘉

謀以振澆化又臺坊訪募此制不近優刻素定閑劇有

常宋元嘉以前茲役恒滿大明以後樂補稍絕或緣寇

欽定四庫全書

南齊書

卷一

難頻起軍蔭易多民庶從利投坊者寡然國經未變朝

紀恒存相揆而言隆替何速此急病之洪源晷景之切

患何以科算能革斯弊耶

南齊書○杜氏通典民俱作人治俱作理死叛作死版勝

殘未易作未易可懲

詔豫章王嶷

嶷見後

太祖即位遷嶷為驛騎大將軍揚州刺史封豫章王會北虜動上恩為經略乃詔嶷復以湘二州刺史

神牧總司王畿誠為治要荆楚領馭遐遠任寄弘隆自

頃公私凋盡綏撫之宜九重恒日

與司徒褚淵手詔

柳世隆宋末為左將軍吳郡太守丁母憂太祖踐阼起為南豫州刺史手詔與淵

向見世隆毀瘠過甚殆欲不可復識非直使人惻然實亦世珍國寶也

褚淵答

世隆至性純深哀過乎禮陛下在危盡忠喪親居憂杖而後起立人之本二理同極加榮增寵足以厲俗敦風

欽定四庫全書

宥王遜詔

儉弟遜昇明中為丹陽丞告劉秉事不蒙封賞建元初為晉陵太守有怨言儉慮為禍因褚淵啓聞

中丞陸澄依事舉奏詔曰儉門世載德竭誠佐命特降刑書宥遜以遠徙永嘉郡

詔領軍將軍李安民

安民蘭陵承人歷興太守

准北泗州聞太祖受命咸欲南歸徐州人相標之兗州人徐猛子等合眾數萬皆險未援太祖詔安民安民赴救留遜虜急攻標之等皆沒上甚責之

青徐泗州義舉雲集安民可長轡遐馭指授羣帥

呂安國安集司州民戶詔

建元二年虜寇邊道安國

郢司之間流雜繁廣宜並加區判定其隸屬參詳兩州事無專任安國可暫往經理以本官使持節撫荆郢諸軍北討事也義陽西關

詔周盤龍

建元二年虜寇壽春以盤龍為軍主助豫州刺史垣崇祖於西澤奮擊破

之上喜詔曰

醜虜迭死敢寇壽春崇祖盤龍正勤義勇乘機電奮水陸斬擊填川蔽野師不淹晨西蕃尅定斯實將率用命之功夫武爭伐之力凡厥勲勤宜時銓序可符列上

欽定四庫全書

贈劉善明詔

善明忠誠夙亮幹力兼宣豫經夷險勤績昭著不幸殞喪痛悼千懷贈左將軍豫州刺史謚烈

手詔張融

融見後融初辟太祖太傅掾太祖素奇好融即位後手詔賜融衣

見卿衣服羸故誠乃素懷有本交爾藍縷亦虧朝望今送一通故衣意謂雖故乃勝新也是吾所著已令裁減稱卿之體并履一量

詔夏侯恭叔

恭叔平西記室參軍上書以柳元景中興功臣劉劭殞身王事宜存封爵詔曰

與運隆替自古有之朝議已定不容復厝意也

徵明僧紹詔

朕側席思士載懷塵外齊郡明僧紹標志高栖耽情墳素幽貞之操宜加賁飾徵為正員外郎

封荷知加羅國王詔

三韓種也建元元年國王荷知使來獻

量廣始登遠夷洽化加羅王荷知款關海外奉贄東遐

欽定四庫全書

南齊書

字

可授輔國將軍本國王

詔答河南王吐谷渾拾寅

宋世遠建武將軍王世武使河南建元元年隨拾寅來獻詔答之

皇帝敬問使持節散騎常侍都督西秦河沙三州諸軍事車騎大將軍開府儀同三司領護羌校尉西秦河二

州刺史新除驃騎大將軍河南王寶命革授爰集朕躬

猥當大業祇惕兼懷夏中增感王世武至得元徽五年

五月二十一日表聞之濕熱想比平安又卿欵誠遙著

保寧遐邇今詔升徽號以酬忠欵遣王世武銜命拜授

又仍使王世武等往芮芮想即資遣使得時達又奏所

上馬等物悉至今往別牒錦絳紫碧綠黃青等紋各十

匹

楊廣香為沙州刺史詔

廣香先奔虜宋末為虜攻殺比王楊文慶以為

陰平公齊太祖即位欲綏懷異俗詔授廣香

昔絕國入贄美稱前冊殊俗內款聲流往記偽虜葭蘆

鎮主陰平郡公楊廣香怨結同族疊起親黨當宋之世

欽定四庫全書

南齊書

字

遂舉地降敵葭蘆失守華陽暫驚近單使先馳宣揚皇

威廣香等追其遠世之誠仰惟新之化肉袒請附復地

千里氏羌雜種咸同歸從宜時領納厚加優卹廣香翻

迷反正可特量所授部曲首豪隨名酬賞以廣香為督

沙州諸軍事平羌校尉沙州刺史

臨終詔司徒褚淵左僕射王儉

吾本布衣素族念不到此因藉時來遂隆大業風道沾

被升平可期遘疾彌留至于大漸公等奉太子如事吾

柔遠能迺緝和內外當令太子敦睦親戚委任賢才崇
尚節儉弘宣簡惠則天下之理盡矣死生有命夫復何
言

並南齊書

敕柳世隆

建元二年世隆追號安南將軍是時廣寇齊陽太祖敕世隆尋又敕之

歷陽城大恐不可卒治正宜斷隔之深為保固處分百姓若不將家守城單身亦難可委信也

又

吾更歷陽外城若有賊至即勒百姓守之故應勝割棄

欽定四庫全書

也

又

宋永初二年分淮東為南豫州治歷陽而淮西為豫州泰始中淮西沒復分淮東治南豫齊太祖建元二年垣崇祖既破虜上欲罷州二豫敕世隆遂省南豫至永明二年割揚州宣城淮南豫州歷陽燕盛

江臨江六郡復置南豫州

比思江西蕭索二豫兩辦為難議者多云省一足一於事為便吾謂非乃非謬卿以為云何可具以聞

又

世隆建元四年出為使持節督南兗兗徐青冀五州軍事安北將軍南兗州刺史江北畏虜寇騷動不安上敕世隆

比有北信賊猶治兵在彭城年已垂盡或當未必送死然豺狼不可以理推為備或不可懈彼郭既無關要用宜開除使去金城三十丈政佳耳發民治之無嫌若作三千人食者已有幾米可指牒付信還民間若有丁多而細口少者悉令戍非疑也

又

昨夜得北使啓鍾離間賊已渡淮既審送死便當制加剿撲卿好參候之有急令諸小戍還鎮不可賊至不覺也賊既過淮不容遁退散要應有處送死者定攻壽陽吾當遣援軍也

欽定四庫全書

也

又

吾當遣援軍也

上遣軍助世隆并給軍糧虜退欲土斷江北又敕世隆

呂安國近在西土斷郢司二境上雜民大佳民始無驚恐又令垣豫州斷其州內商得崇祖啓事已行竟近無云云殊稱前代舊意卿視兗部中可行此事不若無所擾春便就手也